

# Solat hajat, demonstrasi macam Israel

Kosmo 12/8/06 CMS (2)

BANGI - Lebih 2,000 pelajar Universiti Kebangsaan Malaysia (UKM) di sini berarak mengusung keranda sebagai tanda bantahan terhadap kekejaman Israel ke atas rakyat Palestin dan Lebanon, semalam.

Perarakan bermula di Bangunan Pusanika, UKM, menuju ke Bangunan Canselori itu adalah untuk menyerahkan memorandum bantahan kekejaman rejim Zionis.

Presiden Persatuan Mahasiswa UKM, Mohd. Anas Ali memberitahu, memorandum itu merupakan suara hati pelajar bagi membantah keganasan yang dilakukan ke atas umat Islam.

"Kandungan memorandum bantahan itu antara lain mengharapkin penindasan terhadap umat Islam di sana dapat dihentikan dan seterusnya menyokong usaha kerajaan dalam ini.

"Keranda itu simbolik kepada kematian umat Islam akibat serangan itu," katanya.

Memorandum bantahan itu diserahkan Mohd. Anas kepada Naib Canselor UKM, Prof. Datuk Mohd. Salleh Mohd. Yasin di pekarangan bangunan Canselori UKM.

Ia akan diserahkan kepada Menteri Pengajian Tinggi, Datuk Mustapa Mohamed dalam masa terdekat.

Dalam pada itu, PMUKM akan



**SEBAHAGIAN** daripada kakitangan dan pelajar UiTM khushyuk melakukan solat hajat malam kelmarin bagi mendoakan keamanan di Palestin dan Lebanon.

melancarkan Tabung Amal Siswa bulan depan bagi mengutip derma untuk mangsa penindasan Israel itu.

Sementara itu, malam kelmarin, lebih 10,000 pelajar Universiti Teknologi Mara (UiTM), Shah Alam pula mengadakan so-

lat hajat dan perhimpunan aman bagi kesejahteraan rakyat Lebanon dan Palestin di Stadium UiTM.

Majlis anjuran Majlis Perwakilan Pelajar (MPP) UiTM itu diadakan sebagai bantahan terhadap pencerobohan dan keke-

jaman Israel ke atas umat Islam di Palestin dan Lebanon.

Majlis kali pertama dianjurkan itu dipimpin oleh Pegawai Pusat Pemikiran Islam UiTM, Salehuddin Soroyono dan beberapa pegawai akademik serta staf sokongan UiTM.